



*Komunalac*

**S.S.Kranjčevića b.b. Busovača**

tel/fax:030/735-030

IB:4236117910006

Broj: 2391/22

Busovača, 22.11.2022.godine

OPĆINA BUSOVAČA

Služba za prostorno uređenje, urbanizama i stambene poslove

16. kolovoza/augusta bb

72260 Busovača

**Predmet:** Odgovor na vijećničko pitanje, dostavlja se

Poštovani,

vezano za vijećničko pitanje koje je postavio g-din Hilmija Šečić, predsjednik kluba vijećnika SDA, na sjednici Općinskog vijeća Busovača održanoj dana 16.11.2022.godine, koje se odnosi na odvoz komunalnog otpada na području općine Busovača, a pretpostavljamo da se isto odnosi na pokrivenost Općine Busovača ovom uslugom, dostavljamo slijedeću informaciju:

Stvoreni su osnovni preduvjeti da se organizira odvoz komunalnog otpada sa područja cijele općine, odnosno da se usluga izvrši na adekvatan način. Nabavljena su dva manja vozila za prikupljanje i odvoz komunalnog otpada a u radni odnos su primljena dva nova radnika.

Trenutno imamo situaciju da je 90% područja općine pokriveno uslugom prikupljanja i odvoza komunalnog otpada nakon čega je revidiran plan odvoza otpada i isti se odvozi svaki tjedan iz svih naselja. Još uvijek imamo područja gdje, zbog nepristupačnosti, neka domaćinstva ne koriste ovu uslugu. U narednom periodu pokušat ćemo iznaći mogućnost da se i ova naselja pokriju na način da se, u suradnji sa predsjednicima mjesnih zajednica, pronađu lokacije za zajednički kontejner i da se isti lociraju na tim lokacijama. Međutim, potrebno je izvršiti nabavku najmanje 20 kontejnera za što je potrebno izdvojiti minimalno 10.000KM.

Vezano za drugi dio pitanja (pitanje vezano za rokove koji su dati da se riješe određena pitanja u JKP), pretpostavljamo da se odnosi na Zaključak Općinskog vijeća donesenog na tematskoj sjednici Općinskog vijeća održanoj 14.10.2021. godine kojim se „nalaže JKP „Komunalac“ d.o.o. Busovača da u oblasti vodosnadbijevanja, odnosno stepena naplate vode koji trenutno iznosi 25%, od ukupno isporučene vode za devet mjeseci poveća naplatu na 35%, a do kraja iduće 2022. godine na 40%“.

Odmah na toj sjednici izjavili smo da je cilj prembiciozan i da je nemoguće u tako kratkom periodu ostvariti taj rezultat.

Na sjednici Općinskog vijeća, na kojoj je prezentiran izvještaj o radu JKP „Komunalac“ Busovača, kada se postavilo pitanje vezano za smanjenja neprihodovane vode, odgovor je dodatno potkrijepljen informacijom preuzetom iz Strategije razvoja općine Tešanj za period 2018-2022. godine (može se pogledati na: [www.opcina-tesanj.ba](http://www.opcina-tesanj.ba)), na stranici 82.

(VI.1.Indikativni financijski plan) iz koje se može vidjeti da je u financijskom planu općine Tešanj predviđena stavka 3.1.1.2 Smanjenje gubitaka potrošnje vode u kojem su predviđena sredstva u iznosu od 450.000KM kako bi se u planiranom periodu smanjili gubici za 5% (1% godišnje). Općina Tešanj, u suradnji sa komunalnim poduzećem već duži niz godina ulaže u ovaj projekt nakon čega su gubici vode svedeni na cca 25-30%.

Dakle, očekivati da se bez ulaganja u vodovodnu infrastrukturu gubici u roku od godine dana sa 75% smanje na 60% je nerealno. Posebno imajući u vidu da imamo zastarjelu vodovodnu mrežu (u užem gradskom području i dijelu naselja Luka su još uvijek azbestne cijevi koje često pucaju). Na kraju drugog kvartala (sa 30.06.2022. godine) taj procent je iznosio 67,3% ali je već u narednom periodu povećan za 4,5%, jer smo u trećem kvartalu vršili ispiranje bazena i vodovodne mreže. U trećem kvartalu je bio povećan broj kvarova na gradskoj vodovodnoj mreži. Također, sva potrošnja vode za javne potrebe (pranje ulica, gašenje požara-voda preuzeta od strane DVD, fontana, hidranti, javne česme) je potrošena voda koja se ne mjeri, niti fakturira.

Naša ekipa nastoji, gdje god to primijete, riješiti skrivene kvarove koji postoje već godinama. U 2022. godini otkriveno je pet ovakvih kvarova. Veći dio skrivenih kvarova se ne otkrije, jer voda ne dođe do površine nego se gubi kroz porozno tlo, dakle i dalje postoje. Također, gdje god je to moguće, vrši se izmještanje vodomjera iz dvorišta korisnika i instaliraju se u zajedničke šahtove, što onemogućava nelegalnu potrošnju zbog ugrađenog baj-pasa prije vodomjera (u ovoj godine je izvršeno izmještanje na 4 lokacije: Ravan-Šafradini, Kula, Luka i Kadića strana).

Sa poštovanjem,

Dostavljeno:  
1.Općina Busovača  
2.Arhiva

Direktor:

Gordana Vidović

